

自然则寐，有蒙蔽之象，故可决为非少阴本病，而为太阳内陷之证。且以小儿纯阳之体，不当有此少阴病故也。

26. 厥逆重证

陈左

脉脱，手足厥冷，四逆汤主之。

生附块四钱 淡干姜三钱 炙甘草三钱

王慎轩记：此方一服，即脉复肢温，后与调理而愈。

按此证在五月已经诊治，其病卧则壮热，起坐行动则身清，趺阳不出，但人迎微动，亦服此方而愈，章成之（即章次公）云。

27. 三阳病

同乡季仲文伤寒治验（《中医杂志》）。

予于十月二十日晨起，同乡季仲文病，延予诊治。发热头痛，遍身疼痛不已。初意为太阳证。诊其脉不属紧而大，且转侧身重。因不敢妄用麻黄汤。然遍身疼痛，则固太阳表证也，因用浮萍、独活、藁本、荆、防之类。一剂微汗，而热不解，常觉心下痞硬。予遵仲圣不敢轻下之诫，连用五仁及枳实等，昼夜大转矢气，每转则心下略宽，然痞硬不稍减。因念仲圣服调胃承气汤转矢气者，可与大承气汤。是日诊脉更洪大，口甚渴，数引饮，阳明胃实之象显然，予因用大黄三钱，芒硝三钱，枳实二钱，制川朴一钱，早服汤剂，日晨始下，痞硬似稍减，脉亦较和，唯热仍不解，且多口苦咽干之象。予曰：此邪传少阳也。明早诊视，病者云腹中胀甚，而口益苦，咽益干。予曰：此为大柴胡汤证。予赴医校归，当为书方。已而日暮归，则已大下。予意大下后，气机必松，而身之疼痛，及口苦咽干如昔，是夜引饮特甚。明早诊视，身疼痛不减。予曰：此太阳表证未罢也，当用桂枝汤。未及服药，日晡时大汗出。予曰：此自汗而愈之吉徵也。因停药，自始病至此已第七日矣。明早再诊，口苦益剧。病者方终日饮汤，渴不止。予曰：此少阳木火上炎也。因用柴